

Broj: 01-01/2-45-1-3089/25  
Dana: 11. 12. 2025. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**VLADA FEDERACIJE BOSNE I HERCEGOVINE**  
n/r gđa. Edita Kalajdžić, sekretar Vlade

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE BOSNE I HERCEGOVINE**  
**PREDSTAVNIČKI DOM**

n/r gosp. Dragan Mioković, predsjedavajući Predstavničkog doma  
n/r gđa. Marijana Hrvic-Šikuljak, zastupnica Predstavničkog doma  
n/r gosp. Ivan Miličević, sekretar Predstavničkog doma

Bosna i Hercegovina  
Federacija Bosne i Hercegovina  
**PARLAMENT FEDERACIJE**  
SARAJEVO

Primijeno: 11-12-2025			
Org. Jed.	Broj	Priloga	Vrijednost
05/1	- 02-	737	/25

**PREDMET:** Poslaničko pitanje gđe. Marijane Hrvic-Šikuljak, zastupnice Predstavničkog doma Parlamenta Federacije Bosne i Hercegovine, odgovor, dostavlja se;-

**V E Z A :** Akt Vlade Federacije Bosne i Hercegovine, broj: 03-04-1954-7/2025 od 28. 11. 2025. godine i akt Parlamenta Federacije Bosne i Hercegovine, broj: 05/1-02-737/25 od 24. 11. 2025. godine.

Poštovani,

Vašim aktom veze dostavljeno je ovom Ministarstvu poslaničko pitanje koje je uputila gđa. Marijana Hrvic-Šikuljak, zastupnica u Predstavničkom domu Parlamenta Federacije Bosne i Hercegovine.

Shodno navedenom, u prilogu Vam dostavljamo odgovor Federalne uprave policije u sastavu Federalnog ministarstva unutrašnjih poslova, na postavljeno poslaničko pitanje.

S poštovanjem,

**MINISTAR**  
dr. sc. Ramo Isak



Prilog: Kao u tekstu

AŠ/AŠ

FMUP-ODG

Bosna i Hercegovina, 71 000 Sarajevo, M. Spahe 7. telefon (+387 33)-280-020, lokal 3100, fax (+387 33) 590-218 www.fmup.gov.ba



Broj: 11-11/5-45-1-4280  
Datum: 08.12.2025. godine

FEDERALNO MINISTARSTVO UNUTRAŠNJIH POSLOVA  
KABINET MINISTRA

Bosna i Hercegovina  
Federacija Bosne i Hercegovine  
FEDERALNO MINISTARSTVO UNUTRAŠNJIH POSLOVA  
FEDERALNO MINISTARSTVO UNUTARNJIH POSLOVA

PREMIJER  
Organizacija  
10-12-2025  
V. 01-45-1-3089/25

**PREDMET:** Odgovor na poslaničko pitanje gđa. Marijana Hrvić-Šikuljak, dostavlja se: -

**VEZA:** Akt Predstavničkog doma Parlamenta Federacije BiH broj: 05/1-02-737/25 od 24.11.2025. godine

Poštovani,

U vezi akta Predstavničkog doma Parlamenta Federacije BiH broj: 05/1-02-737/25 od 24.11.2025. godine, a koji se odnosi na poslaničko pitanje koje je postavila zastupnica u Predstavničkom domu Parlamenta FBiH gđa. Marijana Hrvić-Šikuljak, informišemo Vas da postupajući po zaključku Predstavničkog doma Parlamenta Federacije Bosne i Hercegovine broj: 01/12-02-1478/25 od 26.09.2025. godine, usvojenom na 24. redovnoj sjednici održanoj 25.09.2025. godine, Federalna uprava policije (FUP) dostavlja informacije u vezi s aktivnostima koje se provode radi uspostave sistema za hitno obavještanje javnosti o nestanku maloljetnih osoba – „ChildAlert BH“, zasnovanog na međunarodno prepoznatom modelu „AMBER Alert“.

Sistem „ChildAlert BH“ predstavlja specijalizovani mehanizam javnog uzbunjivanja u slučajevima kada postoji osnovana sumnja da su život, sigurnost ili zdravlje nestalog djeteta ugroženi. Sistem omogućava brzo i masovno distribuiranje ključnih informacija javnosti putem medija, telekom operatera, digitalnih platformi, javnih preduzeća, prikazivača u saobraćaju, te drugih institucija i organizacija uključenih u sistem zaštite djece.

U prethodnom periodu, FUP je u saradnji s kantonalnim ministarstvima unutrašnjih poslova (KMUP-ovima) usaglasio tekst i sadržaj pravnog akta pod nazivom:

**„Protokol o saradnji u postupanju policijskih službenika Federalne uprave policije i uprava policije kantonalnih ministarstava unutrašnjih poslova u slučaju prijave nestanka djeteta“.**

Ovaj protokol definiše kriterije za hitno obavještanje javnosti, obaveze svih policijskih agencija u FBiH, te uključuje i aktivnosti Centra za sigurni Internet kao sekundarnog uzbunjivača. Tekst dokumenta je sačinjen i spreman za potpisivanje od strane FUP-a, svih deset kantonalnih ministarstava unutrašnjih poslova i Centra za sigurni Internet BiH.

Na sastanku koordinacije direktora FUP-a i policijskih komesara/direktora kantonalnih uprava policije, održanom u novembru 2025. godine, donesen je zaključak kojim je potvrđena zajednička obaveza uspostave elektronske baze podataka u okviru sistema „AMBER Alert“, u saradnji s Policijom Brčko Distrikta BiH i svim kantonalnim MUP-ovima.

Od strane ove Uprave iniciran je i našim prostorijama dana 01.10.2025. godine održan je sastanak sa nadležnim institucijama i učesnicima sistema na nivou FBiH i Brčko distrikta. Sastanku su prisustvovali predstavnici federalnih ministarstava, telekom operateri, FIA FBiH, RAK BiH, javna preduzeća i organizacije civilnog društva. Tom prilikom postignuta je saglasnost svih učesnika da stave svoje resurse na raspolaganje, a definirane su i ključne potrebe za uspostavom sistema:

1. Izrada pravnog akta (sporazum/memorandum o saradnji);
2. Uspostava sigurnih komunikacijskih kanala;
3. Definisane standardizovanog sadržaja poruka;
4. Uspostava preciznih protokola postupanja;
5. Izrada projektnog prijedloga od strane FIA FBiH;
6. Koordiniranje telekom operatera i medija od strane RAK BiH;
7. Uključivanje bankarskog sektora kroz dodatni sastanak;
8. Priprema nacrtu instrukcije i memoranduma od strane FUP-a.

Nastavno na navedeno, dana 13.11.2025. godine održan je radni sastanak sa Finansijsko-informatičkom agencijom FBiH, koja je izrazila spremnost da izradi testnu web aplikaciju i web stranicu za potrebe sistema „ChildAlert BH“. Dogovoreni su tehnički zahtjevi, izgled aplikacije te izrada testne verzije koja će biti prezentirana na narednom sastanku planiranom za 09.12.2025. godine, uz pripremu odgovarajuće tehničke dokumentacije.

Dana 02.12.2025. godine održan je radni sastanak s predstavnicima BH Telecoma. Na sastanku je prezentiran koncept funkcioniranja sistema „ChildAlert BH“, razmotrene tehničke mogućnosti za hosting web stranice **childalertbh.ba**, kapaciteti mreže za masovno slanje poruka, potencijalni rizici preopterećenja sistema u kriznim situacijama, kao i potreba za jasnim protokolima aktivacije i visokom informacionom sigurnošću. BH Telecom je iskazao spremnost da podrži testnu fazu sistema, dok bi redovne usluge bile naplaćivane prema cjeniku koji će biti definisan nakon dostavljanja preciznih tehničkih zahtjeva od strane FUP-a.

Federalna uprava policije je već provela ključne početne tehničke korake te je izvršena rezervacija internet domena **childalertbh.ba** kod nadležnog registra, čime su osigurani osnovni preduslovi za izgradnju i smještaj centralne web platforme.

Na osnovu do sada provedenih aktivnosti u narednom periodu putem Federalnog ministarstva unutrašnjih poslova predložit će se Vladi Federacije BiH, da radi uspostave i održivog funkcionisanja sistema „ChildAlert BH“, osigura se kontinuirano održavanje registrovane domene i centralne web platforme, kroz i neophodna finansijska sredstva za tu svrhu. Također, predložit će se da se obezbijedi i dugoročnu institucionalna i stručna

podrška Centru za sigurni internet BiH, uključujući edukacije te pravnu i tehničku pomoć u okviru sistema. U cilju obezbjeđenja koordinisanog djelovanja svih relevantnih institucija predlažit će se formiranje međuresorne radne grupe, te priprema Memoranduma o saradnji kojim će se precizno urediti nadležnosti i obaveze svih učesnika. Nadalje, predlažit će se da BH Telecom, u skladu sa zakonskim mogućnostima, obezbijedi besplatnu tehničku i infrastrukturnu podršku potrebnu za nesmetano funkcionisanje sistema u početnoj fazi.

U skladu s navedenim, Vladi Federacije BiH predlaže se donošenje zaključaka kojim bi se prihvatila Informacija Federalne uprave policije o aktivnostima na uspostavi sistema „ChildAlert BH“, te formirala međuresorna radna grupa zadužena da u što kraćem roku pripremi sve neophodne tehničke, pravne i operativne akte. Međuresorna radna grupa bi trebala predložiti i model održavanja domene i kompletnog sistema, dok bi Federalno ministarstvo finansija osiguralo njihovo budžetsko planiranje za 2026. godinu. Naposljetku predložit će se u okviru zakonskih mogućnosti i finansijska podrške Centru za sigurni internet BiH, te nastavak koordinacije Federalne uprave policije sa telekom operaterima, FIA FBiH i drugim institucijama radi dovršetka tehničkih priprema.

U skladu s navedenim, Federalna uprava policije nastavlja intenzivne aktivnosti na realizaciji uspostave sistema „ChildAlert BH“, uz punu koordinaciju sa svim nadležnim institucijama i organizacijama.

S poštovanjem.

**V.D. DIREKTOR**  
(Načelnik SKP-a)  
**GLAVNI INSPEKTOR**  
**Enes Zeljković**

